

AWIG - AWIG DESA ADAT PUKAN



**DESA TARO
KECAMATAN TEGALLALANG
KABUPATEN GIANYAR**

MURDHA CITTA

AUM, OM

Om Swastyastu, Om Awighnamastu Nama Siddham,

Malarapan penghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

Ha. Parhyangan, sahananing kahyangan, panyiwian desa genah ngarcana Ida Hyang Parama Wisesa, maka jiwani desane.

Na. Pawongan krama saha warga desa maka sami pawakan Bayu Pramana (Tri Kaya) mawinan desane sida molah maprawerti.

Ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama Desa Adat Puakan.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

(1) Desa Adat Puniki mawasta Desa Adat Puakan

(2) Jebar kakuwub wawidangannya mawates nyatur :

Ha. Sisih Wetan ring Desa Adat Tebuana ;

Na. Sisih Kulon ring Desa Adat Mawang, Payangan ;

Ca. Sisih Lor ring desa Adat Banua, Kintamani ;

Ra. Sisih Kidul ring Desa Adat Pakuseba ;

(3) Desa adat puniki kawangun antuk 34 pawon lan 5 ayah tegalan

(4) Sajawaning Krama Desa sane munggah ring ajeng, wenten taler sane kawastanin Krama Banjar, inggih punika sahanan wong desane sane sampun majangkepan/marabian, taler patut makrama.

(5) Kakuwub wawidangan Desane, manut dresta luwire :

- Ha. Papupulan karang paumahan, sinanggeh palemahan desa pakraman ;
- Na. Setra carik miwah Tegal ring kakuwub wawidangan desa, sajabaning palemahan desa manggeh telajakan desa.

(6) Ha. Awig

- (6) ha. Awig-awig pararem miwah sahanan paswaran Desane, manggeh kajejerang, ring kakuwub wawidangan Desane sami;
- na. Awig-awig miwah pararem subak telajakan Desane tan maren manggeh kaiinggilang.

DWITYA SARGAH
PATITIS LAN PAMIKUKUH
Pawos 2

Desa Adat Puakan puniki ngamanggehang pamikukuh minakadi :

- Ha. Pancasila;
- Na. Undang-undang Dasar 1945 pamekas pasa 18;
- Ca. Perda Provinsi Daerah Tingkat I Bali No. 06 Tahun 1986;
- Ra. Tri Hita Karana manut sada cara Agama Hindu.

Pawos 3

Patitis Desa Adat Puakan luwire :

- Ha. Ngukuhang miwah ngrajegang Sang Hyang Agama;
- Na. Nginggilang tata Prawertine meagama;
- Ca. Ngarajegang kasukertan Desa saha Pawongannya sakala lawan niskala;
- Ra. Ngarajegang tata sangaskaraning pawongan,, pamekas sane ngiket pakulawargan;
- Ka. Ngarajegang kasukertan saraja druwening desa miwah druwening pawonganya sami.

TRITYA SARGAH
SUKERTA TATA PAKRAMAN
Palet 1
Indik Krama

Pawos 4

- (1) Sane kabawos Krama Desa inggih punika kulawarga sane meagama Hindu sane ngamong karang desa/karang gunakaya miwah sang Magenah jenek wiadin madunungan ring sajeroning palemahan Desa Adat Puakan.
- (2) Sajaba punika sinanggeh tamiyu, sane kabinayang dados kalih inggih punika sane meagama Hindu, miwah siwosan ring meagama Hindu.
- (3) Indik Tamiyu punika manut pararem.

Pawos

Pawos 5

Krama Desa wenten 4 (petang) pawos, luwire :

- Ha. Krama ngarep, kula warga sane ngamong karang, utawi manut pararem;
- Na. Krama pangempian kulawarga sane nenten ngamong karang nanging sampun mawiwaha;
- Ca. Krama balu, krama sane katinggal seda olih lanang utawi istri nyane, utawi sangkaning nyapihan, krama balu inucap kabinayang dados :
 1. Balu makrambian, inggih punika balu sane maduwe sentana dereng marabian utawi dereng antes ngayah.
 2. Balu ngalinting, inggih punika balu sane tanpa sentana.
- Ra. Krama tepukan, kulawarga manut aksara *ha.* utawi *na.* Ring ajeng sakawanten durung antes ngayah utawi salami kanton masekolah malarapan ilikita pastika saking sekolahnya, manut perarem.

Pawos 6

Ngawit dados Krama Desa :

- Ha. Mawiwit ngamongin karang;
- Na. Mawiwit jumenek ring sajeroning palemahan Desa Adat Puakan;
- Ca. Malarapan antuk pawiwahan pratisentana manut aksara *na.* Ring ajeng;
- Ra. Sahanan warga desa sane jumenek ring wawengkon Desa Adat patut satinut ring kecaping Awig-awig lan pararem sane sampun kamanggehang;
- Ka. Mawiwit numbas tanah ayahan ring Desa Puakan (yan tanah genahina keni ayah mamatu).

Pawos 7

Panamaya tedun makrama Desa/Banjar Adat :

- Ha. Malarapan antuk pawiwahan kakawitin ring rahina Tumpek;
- Na. Malarapan antuk patilar rahayu saking warga desa siyosan. Prade pacang jumenek patut risampun mawaneng asasih saking atur supeksa ring prajuru Desa Adat. Saha nawur panaub/pamogpog manutin pararem miwah sumanggup nganutin saurah arih kecaping Awig-awig lan pararem sane kamanggehang olih Krama Desa;
- Ca. Sang mapudunungan sampun mawaneng asasih raris makaad mara, keni pamidanda manut pararem.

Pawos 8

Sahanan Krama desa sami keni ayah lan tategenan sekadi ring sor :

- Ha. Ayah ngarep, mapiteges urunan miwah ayahan mamungkul;
- Na. Ayah pangempian, mapiteges urunan saparo saking krama ngarep;
- Ca. Ayah balu, ayah miwah urunannya manut kahanan balu inucap;
- Ra. Ayah tapukan, keni urunan mamungkul. Kaluputang ayah-ayahan, ngantos mayusa 17 warsa, utawi sampun mawiwaha. Yaning kanton masekolah, taler kaluputang ayah-ayahnya, malarapan ilikita pastika saking sekolahnya.

Ka. Tategenan

- Ka. Tategenan manut paingkupan ring kulawarga;

Prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharman Krama, sewosan ring tategenan, luwire :

- Ha. Tinut saturut ring yasa kertin desane;
- Na. Tan maren ngutsahang mangda Desane mrasidhayang nyujur manut patitis;
- Ca. Tinut saturut ring Guru Wisesa.

Pawos 10

Swadharman Tamiyu, luwire :

- Ha. Tinut saturut ring yasa kertin Desane;
- Na. Tan piwal ring sadaging Awig-awig, pararem lan paswaran Desa;
- Ca. Nyadokang raga ring Prajuru arahina sasampun jumenek malarapan antuk ilikita pastika saking utawi sang ngawawenang;

Yan tan tinut pacang kairid (tan kadadosang jumenek ring Desa Adat).

Pawos 11

Piolihi-olihi Karama :

- Ha. Polih pasayuban sakala niskala tur kabawosin saha katiwakin pamutus sahanan wicaranya;
- Na. Nyarengin paruman tur wenang sareng mastikayang pamutus;
- Ca. Kadadosang madeg Prajuru, manut pararem.

Pawos 12

Krama desa Adat kadadosang :

Ha. Mapoangkid uutawi tan tedun :

- 1) Rikala mapawangun ngeraabin : Piasan, gedong/meter, Bale Dangin, lan Jineng/Kelumpu;
- 2) Mayadnya sanistanis;
- 3) Piodalan ring mrajan/sanggahnia manut paetangan prajuru lan pararem;
- 4) Rikalaning nunas bawos (mamasar) salaminia arahina;
- 5) Rikalaning matepetin sungkan sane magenah ring siyos desa;
- 6) Rikalaning matepetin sungkan sajeroning paumahan, sesampun wenten kabebasan saking prajuru;
- 7) Rikalaning nganter anak sungkan;
- 8) Rikalaning kasengan olih sang rumawos/mawangrat;
- 9) Pacang ngamargiang utusan desa/banjar sane mabuat, arahina sadereng mamargi

10) Ngingsirang

10) Ngingsirang puri/uma salamin ipun arahina :

- Ha. Nyade utawi nyuksukin sane kawenangang sasampun munggah deha taruna utawi mrasidayang nganutin krama;
- Na. Yan wenten silih tunggil krama sampun werda tur katah madruwe Sentana, wenang ikrama desa nyudi silih tunggil sentanaia mangda nyade/nyaladihinin sang werda inucap;
- Ca. Yening wenten sinalih tunggi; krama sane patut nyada mawaneng awarsa patut sampun mastikayang panyaladihi, krama desa sane pacang ngaturang panyaladihi.

Pawos 13

(1) Wusan dados Krama Desa, Luwire :

- Ha. Sangkaning Pinunas ngeraga, manawi kesah kadura Desa;
 - Na. Kanorayang, duaning sampun tan prasida ngehehin solah maprawerti satata mamurug kecaping awig-awig;
- Wusan makrama desa mapiteges taler wusan makrama banjar utawi wusan

Ca. makrama banjar mapiteges wusan makrama desa, mangda sampunang kasinanggeh empak ngalanting.

(2) Sang wusan makrama :

- Ha. Patut ngaturang karang ayahan ka Desa, prade karang punika karang Desa;
- Na. Tan polih pah-pahan druwen Desa utawi druwen siyosan;
- Ca. Tan polih pasayubab sajroning ala ayu;
- Ra. Sang wusan makrama Desa/Banjar prade mawali malih patut nawur saurah arih tategenan krama manut pararem.

(3) Sang wusan sangkanin kanorayang, prade mawali malih patut :

- Ha. Muntasang saluwir pamidanda utawi tategenan sane ngranayang kanorayang;
- Na. Nunas geng pengampura ring paruman desa maduluran panyangaskara panyapsap kaiwangan duwaning nguwak pasubaye pecak.

PALET 2

PRAJURU LAN DULUN DESA (PANGLINGSIR)

Pawos 14

- (1) Desa Adat Puakan kaenter olih Bendesa Adat.
- (2) Banjar Adat kaenter olih Klian Banjar Adat.
- (3) Bendesa lan Klian patut mawiwit saking krama ngarep, tur uning ring aksara Bali miwah latin.
- (4) Bendesa Adat kaadegang malarapan antuk pamilihan (kacatri) nyabran 5 (limang) warsa, sajawaning wenten parindik tiyos, tur kangkat kapilih/kacatri malih miwah maduluran Dewa saksi ring Pura Desa.

(5) Kelihan

- (5) Kelihan Banjar adat kaangkep olih Kepala Dusun/Banjar , kaadegang malarapan paingkup krama banjar, Kepala Desa, miwah Camat manutin Undang-undang, saha madulurin Dewa Saksi (mawinten) ring Pura Dalem.
- (6) Sinoman utawi saya kamanggehang manut ririgan tur magentos nyabran karya.

Pawos 15

(1) Bendesa Adat kasangga olih :

- Ha. Petajuh utawi Pangliman pinaka wakilnya;

- Na. Panyarikan pinaka juru surat;
- Ca. Petengen utawi Juru Raksa pinaka pangamong druwen Desa;
- Ra. Kasinoman utawi saya pinaka juru arah.

(2) Kasinoman akehnya manut kawigunan saha magilir nyabran karya.

(3) Kelihan Banjar kasangga olih :

- Ha. Penyarikan pinaka juru surat;
- Na. Artha raksa, pinaka juru raksa jinah lan padruwen banjar;
- Ca. Kasinoman/saya janggi, pinaka juru arah lan ngawacak I Krama Banjar.

(4) Sajeroning ngenterang kasukertan niskala, Bendesa Adat miwah Klian Banjar patuut nginggilang Pamangku Kahyangan Desa utawi sang Rumaga Sulinggih.

Pawos 16

(1) Swadharmaning Bendesa Adat miwah Kelian luwire :

- Ha. Ngalaksanayang/ngenterang pamaargin sadaging Awig-awig miwah pararem Desa/Banjar;
- Na. Ngenterang/ngetangang padruwen Desa/Banjar;
- Ca. Nuntutn tur ngenterang krama rawuhing warga Desa/Banjar sami ngupadi kasukertan sakala niskala manut patitis;
- Ra. Nuntun saha nyaksinin tatacara sangaskaraning kauripane sne mabuat, sane ngilitang sulur pakulawangan;
- Ka. Maka dutta Desa/banjar matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dados kararyanang manut pararem.

(3) Swadarmaning Pemangku :

- Ha. Ngenterang pujawali ring kahyangan manut gagambelan miwah ring pakubon krama suwang-suwang;
- Na. Nitenin wiadin nuntun kasucian kahyangan;
- Ca. Ngalaksanayang/ngenterang yadnya, manut sapakoning Bendesa/Kelian.

(4) Swadarmaning saya/sinoman inggih punika ngalaksanayang sapakoning prajuru.

Pawos.....

Pawos 17

Sesanan pemangku luwire :

(1) Yang pacang ngawalat raibi, wenang ngaturang rumuhun pawintenia ring pura genahnia mawinten/madeg nguni, tambenia pamangku wawu wenang ngawalat rabi, riwus

upacaranya wenang ngawana wasa atahun suwenia iriki malih mawinten sakadi upakarania nguni.

(2) Wenang ngalarang sasananing pamangku luwire :

- Ambek dharma sadu;
- Asewaka dharma makadang sastra utama;
- Tan parek ring naya dusta ;
- Tan atayub ring tarub camara yudha ;
- Tan manjing ring umah wong banija karma ;
- Tan manjing ring umah wong darati karma ;
- Tan wenang ajajuden ;
- Tan anginum asing angawe mada ;
- Tan pati pikul-pikulan ;
- Tan salah-suluh ;
- Tan wenang anayub upadrawang cor, yan mawya wahara teka wenang adewa saksi;
- Tan griganing wong akweh;
- Tan keneng cuntakaning wong len, sajawaning kulawarganya tunggil natah, utawi pasiwarya manut dresta.

(3) Yan mamurug, wenang pamangku nyepuhin raga kasaksinin olih Prajuru Desa.

Pawos 18

(1) Prajuru/Dulun desa kagentosin riantukan :

- Seda ;
- Kanorayang dwaning iwang pamargi utawi nilar sesana ;
- Wit saking pakayun utawi pinunas ngaraga.

(2) Nganoryang utawi ngentosin Prajuru/Dulu-dulu patut sajeroning paruman tur kaingkupan olih Krama Desa.

Palet 3

Indik Kulkul

Pawos 19

(1) Kulkul ring Desa Luwire :

- Kulkul ring Kahyangan ;
- Kulkul Desa;
- Kulkul Banjar/tempekan;
- Kulkul Sekaa-sekaa.

(2) Tabuh.....

(2) Tabuh tatepakan kulkul ring Kahyangan Desa :

- Nungtit/silih asih, tengeran wenten Yadnya/Upacara;
- Tulud lambat, tengeran tedun ngayah;
- Bulus, tengeran wenten bhaya.

(3) Tabuh tatepakan kulkul ring soang-soang kebanjaaran :

- Bulus :
 - 1) Atulud bulus, tengeran kageni bhaya ;
 - 2) 2 (kalih) tulud bulus, tengeran kapandungan (artha bhaya) ;
 - 3) 3 (tigang) tulud bulus, tengeran jiwa bhaya ;
 - 4) Tigang klentungan bulus panjang, tengeran lindu, er, lan pawana bhaya.
- Lambat :
 - 1) 2 (kalih) tulud lambat, tengeran tedun ngayah utawi wenten pakaryan ;
 - 2) Nungtit silih asih tengeran, wenten karya, surya grha, bulan kapangan ;
 - 3) Atulud lambat, tengeran ngentenin.
- Klentungan :
 - 1) 3 (tigang) klentungan, tengeran kalayu sekaran ;
 - 2) 7 (pitung) klentungan, tengeran rare embas ;
 - 3) 10 (dasa) klentungan, tengeran pawiwahan ;
 - 4) 5 (limang) klentungan ngempang panjang, tengeran ngawangdeang karya.

Pawos 20

- (1) Kulkul Desa utawi Banjar tan wenang katepak yening tan sangkaning pituduh Prajuru Desa/Banjar sajawaning tengeran bhaya.
- (2) Sang napak tan sangkaning pituduh patut digelis atur supeksa maka buatan panepake, yan tan sapunika wenang sang mawurug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul desa/Banjar sajawanin tengeran bhaya, prade mamurus taler kadanda manut pararem.

Palet 4

Indik Paruman

Pawos 21

(1) Paruman/sangkepan ring Desa Adat Puakan, wenten :

- Paruman Desa/Banjar Pura Bale Agung, kawentenang :
 - 1) Nyabran :
 - Rikala tilem (lanang) magenah ring dalem panguriaga nasi ulam gecok ayam :

- Rikala Purnama (istri) magenah ring Bale Agung panguriaga nasi mebe pesan taluh, kara, gerang.

(2) Napkala

2) Napkala (padgata kala) maka jalaran arah-arrah manut tatujon.

- Sangkepan prajuru/dulu desa, kawentenanan manut wiguna;
- Paruman sekaa-sekaa manut pabuat.

(2) Paruman Desa utawi Banjar madudonan sakadi ring sor :

- Prasida lumaksana risampun ketedunin olih sang patut ngamiletin, kamanggala antuk tengeran kulkul miwah mabusana adat madya, saha nyuklit keris, tan maren ngarcana ring Ida Bhagawan Panyarikan maka sarana Widhi Widana cane :
- Maka sarana janggo, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem;
- Tan kalugra ngawetuang suwara gora utawi hyota, yang wenten asapunika keni pamidanda beya pacamil kadi dandaning nguman-uman ring sabha;
- Pamutus bebawos beriuik sapanggul (lingkup) punika kamanggehang.

(3) Prade pidaging paruman tan kaingkupin mangda Prajuru/Dulun desa ngilikang bebawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru/Dulu wenang nunas bawos ring Sang Ngawa Wenang.

Pawos 22

(1) Sajeroning paruman Desa, Bendesa patut nyobyahang pamargin ngeterang Desa, pamekas nganinin indik :

- Munjuk lungsuring pakraman saha ayah-ayah, suluir arta berana, druwen Desa;
- Rincikan Prajuru/Dulu nganinin usaha desa kapugkur.

(2) Pamutus paruman Desa sinanggeh pararem maka pamitegep daging awig-awig.

Pawos 23

(1) Sangkepan Prajuru/dulun Desa kawenang wantah ngarincikang pangerencana usaha Desa kapungkur.

- (2) Sangkepan Prajuru/Dulun Desa tan kawenang ngawedalang tategenan ring Krama sadereng kaingkupinoli Krama desa ring paruman.
- (3) Pamutus sangkepan Prajuru/Dulun Desa ngawetuang pasuwara, maka pidaging pituduh sang ngawawenang utawi ngonekang pecak pararem krama desa.

Palet

Palet 5
Indik Druwen Desa
Pawos 24

Padruwen Desa Adat Puakan sakadi ring sor :

- a) Kahyangan Desa Luwire :
 - 1) Kahyangan Tiga : Pura Desa lan Bale Agung, Pura Puseh, Pura Dalem lan praja Pati ;
 - 2) Pura Sabang Deet ;
 - 3) Pura Tegal Suci ;
 - 4) Pura Puseh a Munduk Campuhan Ubud ;
 - 5) Pura Panti Pujangga ;
 - 6) Pura Pangangon ;
 - 7) Pura Ulun Suci ;
 - 8) Pura Pempatan Agung ;
- b) Wantilan Desa;
- c) Bale Patemon, magenah ring jron Pura Desa Puakan ;
- d) Karang ayahan Desa, munjuk lungsur saking 34 pawon lan 5 ayah tegalan ;
- e) Setra ;
- f) Palaba Pura, marupa carik/tegal (manut ilikita) kadi ring sor ;
 1. Laba Pura Puseh :
Persil No. 10/dp klas II No. Pipil 87 luas 5650 ha ;
 2. Laba Pura Desa :
Persil No. 19/dp klas I No. Pipil 88 luas 8400 ha ;
 3. Laba Pura Sabang Deet :
Persil No. 2/dp klas IV pipil85 luas 8400 ha ;
 4. Laba Pura Dalem :
Persil No. 23/dp klas IV No. Pipil 89 luas 105.750 ha;
Persil No. 21/dp klas II No. Pipil 89 luas 9.950 ha;
Persil No. 37/dp klas IV No. Pipil 89 luas 45.250 ha;
- g) Lelanguan, makadi tetabuhan lan ilen-ilen padruwen Desa/banjar luwire :
 - 1) Gong ;
 - 2) Ilen-ilen wali Pura : Baris tumbak, Prembon, Rejang Oyod Padi, Pendet ;
 - 3) Muwah padruwean tiyosan.

h) Nyasa, sasanthi

Pawos 25

Pioli-oli Desa Adat Puakan luwire :

- 1) Pioli-oli saking palaba pura ;
- 2) Urunan Krama Desa Adat ;
- 3) Paica saking Guru Wisesa ;
- 4) Paica-paica sane tiyosan, sane patut ;
- 5) Usaha Desa Adat.

Pawos 26

- 1) Prajuru/Dulun Desa wenang ngetangang pamupon laba Pura lan sapanunggalan druwen Desa.
2) Pikoli
2) Pikoli lan pamuponnya kaanggen prabeya piodalan miwah wewangunan ring Pura.
- 3) Nyabran pasangkepan desa, Prajuru/Dulu pangamong druwen desa nguningayang parindik munjuk lungsuring padruwen ring krama Desa.
- 4) Sakaluwiring druwen desa patut wenten ilikitannya.
- 5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Palet 6

Sukerta Pamitegep

Kaping 1

Karang, Tegal lan Carik

Pawos 27

- 1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannya asri.
- 2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sawawaning tanah pacatu, tegal, carik utawi tanah padruweyan ngaraga, sane kapiara watese sisi klod miwah kauh utawi manut drestha reh punika mawasta gegaleng kateben.
- 3) Prade karasayang pageban/turus inucap ngalikadin, yen pada arsa panyandinge, kengi watese nganggen pinget kewanter, kasaksinin lih Prajuru/Dulun desa utawi pracinna pal saking Sang Ngawawenang.

- 4) Prade wenten karang kabebeng/embet mangda kautsahayang wenten pamarginnya, manut paigum lan pararem.
- 5) Tan kengin :
 - a. Ngentunga wangken wewalungan kapakarangan/tegal anak lian ;
 - b. Ngembahang toya wit saking badan wewalungan, kakus, pasiraman, pawaregan, kategal, carik, kamargine, utawi katukade, miwah sane siyosan, sane ngawinang ambu kawon ;
 - c. Prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Banjar tan kalugra :
 - a. Ngalah-alah margi, tegal ayahan desa, karang Desa, lan sapanunggalanya ;
 - b. Ngalah-alah tanah linggih kahyangan, tegak setra, lan sakancan linggih sinanggeh suci.
- (2) Prade wenten sakadi ring ajeng, sang ngalalah wenang ngawaliang tanah inucap saha keni pamidandan manut pararem kadulurin upakara prade ngalahlah tanah suci.

Kaping 2

Pepayonan

Pawos 29

- (1) Ngawit nandur pepayonan tanem tuwuh patut adepa agung (2 meter) ngajeroang saking wates, prade jantos ngaliwat wates waliang kasepat gantungin.
- (2) Yening wenten tatanduran ngungkulin, samaliha mewastu mayanin kapisaga patut kawara antuk palguman ping ajeng mangda prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit sang rumasa katetehan?kajerihan wenang masadok ring Prajuru/Dulu, tur risampun kaparitas kalugra mademang wit inucap, sakewanten patin pepayonar patut katawur manut pangeloika sane nepasin.
- (4) Sang keni pamidanda panyangaskara saha prabeya manut pararem arep ring wewangunan sang karubuhin, luwire ;
 - a. Sang nruwenang wit sinanggeh mayanin, prade pungkut ngarubuhin wewangunan krama tiyos;

- b. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajeronin wates patut kapademang, mangda tan ngaranayang wicara. Prade sampun ageng kapademang, wit punika pinara tiga :
 - a. Apah tiga katur ring sang nruwenang wit.
 - b. Apah tiga katur ring sang penyandingnya.
 - c. Apah tiga katur ring Desa Adat.
- (6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3
Wewangunan
Pawos 30

- (1) Nyabran ngawangun patut :
 - a. Masadok ring Prajuru/Dulu, ping ajeng prade wewangunan nganinin wates ;
 - b. Ngangge sukat asta bhumi miwah gagulak asta kosala-kosali sanistane manut ring patitis niskala.
 - c. Tan nyayubin kapisaga.
 - d. Tan dados ngembahang toya wit saking jempeng/WC miwah belengbeng/bada ka pisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakaryanang abangan.

Kaping 4
Wewalungan
Pawos 31

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletchin Kahyangan.
- (2) Prade wenten wewalungan malumbar utawi ngeleb ngarusak pakarangan/pabianan Krama Sewos, risampun kawara dados kataban tur kadanda ngawaliang wit sane karusak saha nawur panebas papiaran tetabanan, manut pangeloikan Prajuru/Dulun Desa.

- (3) Prade jantos ngaletihin linggih suci, minakadi pamrajan, risampun kaparitas olih Prajuru/Dulu wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin Kahyangan Desa utawi pura Pamaksan, wenang nyaronin antuk Panca Sata makerep itik belang kalung.
- (4) Krama Desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

B h a y a

Pawos 32

- (1) Parindik bhaya, luwire : jiwa bhaya, artha bhaya (kapandungan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara a.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Pprade wenten jatma mamisuh utawi nguman-uman jadma tiyos, kakenanin pamidanda beya pacamil maduluran tebasan prayascita.
- (5) Yaning
(5) Yaning wenten jatma majengilan ring Bale Banjar, ring Pura, utawi ring genah sane kasinanggeh suci, keni pamidanda manut pararem maduluran panyangaskara prade sang majengilan kantos ngamedalang rah.

Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara a. Utawi sang kamalingan atur supekta ring Prajuru/Dulun desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci.
- (2) Pratingkahe mapilon ring dusta kabawos saruron, prade wenten jatma manggihin maling tan nyadokang ring Prajuru/Dulu jantos tios nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring Sang Ngawawenang.

- (3) Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sekadi ring ajeng, asing-asing ngaranjing kapakubon jatma tiyos patut :
 - a. Matengeran suwara (makaukan);
 - b. Nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
 - c. Pamedal karangnya kadagingin sawen, maka cihna pangarah rikala suwung;

Kaping 6

Panyanggran Banjar

Pawos 34

Krama desa rikala ngawentenang karya suka – duka, patut kasanggra olih Banjar, luwire :

- a. Prade ngawangun Pitra yadnya utawi Manusa Yadnya, manut pinunas sang mayadnya;
- b. Pangarombo utawi karya gotong royong krama jantos ping tiga, langkungan ring punika patut katuran pangu ;
- c. Panging rikala Pitra Yadnya manut abot dangan yadnya, prade saking semengan ngantos wengi katuran pangu ping kalih;
- d. Pangarombo tiyosan manut pararem.

Cathurtas

CHATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 35

- (1) Kahyangan Panyiwian ring sawidangan Desa Adat Puawakan luwire :
 - a. Kahyangan Tiga, Pura Desa/Bale Agung, Puseh miwah Pura Dalem lan Prajapati;
 - b. Pura Sabang Deet;
 - c. Pura Panti Pujangga ;
 - d. Pura Pangangon ;

- e. Pura Tegal Suci;
 - f. Pura Ulun Suwi;
 - g. Pura Pempatan Agung;
 - h. Pura Dugul;
 - i. Pura Padunung;
 - j. Pura Ratu Maduwe Karang;
 - k. Pura Munduk Campuhan Ubud.
- (2) Rahina piodalan ring soang-soang kahyangan inucap, kadi ring sor ;
- a. Ring Kahyangan Tiga, luwire ;
 - 1) Pura Desa/Bale Agung, rikala Saniscara Kliwon Wara Krulut;
 - 2) Pura Puseh Puakan, rikala Bhuda Manis Prangbakat;
 - 3) Pura Puseh Amunduk Campuhan Ubud rikala Anggarkasih Jullungwangi ;
 - 4) Pura Dalem lan Prajapati, rikala Tilem Kasa (ngusaba) ;
 - b. Pura Sabang Deet rikala Bhuda Kliwon Ugu ;
 - c. Pura Panti Pujangga rikala Bhuda Wage Warigadian ;
 - d. Pura Tegal Suci ;
 - e. Pura Ulun Suwi ;
 - f. Pura Pempatan Agung rikala Bhuda Kliwon Ugu ;
 - g. Pura Dugul rikala Mapag Toya;
 - h. Pura Padunungan rikala Bhuda Umanis Julungwangi ;
 - i. Pura Ratu Maduwe Karang rikala Bhuda Kliwon Paang ;
 - j. Pura Pura Palingih Ratu Pande.
- (3) Pangaci ring Pura inucap manut kecap sastra Agama lan dresta, saha kalaksanayang nista, madia, utawi manut kawentenan lan pararem.
- (4) Pangempon soang-soang Pura manut dresta kaempon olih Krama Desa Adat Puakan.

Pawos 36

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan;
- a. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya;
 - b. Turunan utawi waris;
 - c. Kacatri olih krama desa.
- (3) Tan kawenang addegang Pamangku luwire :
- a. Cedaangga makadi peceng, perot, cungi lan sapanunggilan ipun;
 - b. Sang sapisira ugi sane tan kapatutang manut pararem;
 - c. Sakit ila, ayan, buduh wiadin edan;
 - d. Sane tan madrebe kasucian urip.
- (4) Prabia kapamangkuan

- a. Adiksa widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
- b. Mapitra yadnya riwekas lanang miwah istri-istri patut kasungkemin olih Krama Desa utawi pangemong, sanistane Brahmaprayascita, panyanggrane manut pararem prade Yadnya inucap kalaksanayang oleh wargan sira pamangku.

(5) Pamangku patut ngamanggehang sasananing Pamangku luwire :

- a. Ambek Dharma sadhu;
- b. Asewaka Dharma, makadang sastra utama;
- c. Tan parek ring naya dustha;
- d. Tan atayub ring tarub camara yudha;
- e. Tan manjing ring umah wong banija krama;
- f. Tan manjing ring umah wong darati krama;
- g. Tan wenang ajajuden ;
- h. Tan angunum asing angawe mada
- i. Tan pati pikul-pikulan;
- j. Tan salah suluh;
- k. Tan wenang anayub upadrawaning cor, yang mawiyawahara teka wenang adewa saksi;
- l. Tan griganing wong akweh;
- m. Tan keneng cuntakaning wong len, sajawanin kulawarganya tunggil natah, utawi pasiwananya manut dresta.

(6) Prade mamurug, wenang Pamangku nyepuhin raga kasaksinin olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring ppura genahnya madeg pamangku nguni, tembenya wawu wenang ngawalet rabi, riwus upacaranya wenang ngawana wasa salaminya atahun, wus punika wau mawinyen lakibi kadi pawintenanya nguni.

Pawos 37

Swadarman Pamangku luwire :

- a. Ngenterang upacara piodalan ring Kahyangan utawi ring soang-soang pakubon krama;
- b. Prade
- b. Prade salah sinunggil Pamangku kapialang utawi cuntaka, kengin nguntap Pamangku tiyosan utawi nuwur sang sulinggih ;
- c. Samaliha yan sampun Pamangku ngayah ring Pura kancit wenten kulawarganya seda, Pamangku inucap tan keneng cuntaka sakewanten Pamangku tan budal salami piodalan.

Pawos 38

Patias utawi olih-olihan Pamangku luwire :

- a. Panyolasan miwah sarin canang ring soang-soang pakubon Krama Desa;
- b. Upon palaba carik miwah tegal manut pararem;
- c. Luput pakaryan, rerampen/ramon, lan padagingan (luput manuk);
- d. Patias sewosan manut pararem.

Pawos 39

(1) Pamangku kagentosin riantukan :

- a. Seda;
- b. Pinunas ngaraga, sangkanin kageriang lan sapanunggalannya;
- c. Kawusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40

Kasukertan Kahyangan kadi ring sor :

a. Tan kalugra ngaranjing kapura luwire :

- 1) Sang katiben cuntaka makadi sebel ring raga ;
- 2) Makta sahanan barang sinaggeh ngaletchin ;
- 3) Sato agung, sajawaning rikala mapapada ;
- 4) Mabusana sane tan patut kadi tatacaraning ngaranjing kapura;
- 5) Sadereng polih wak-wakan (pituduh) Prajuru/Dulun Desa.

b. Pratingkahe tan Wenang ring Pura :

- 1) Masumpah (cor) sajawaning pituduh Prajuru/Dulun Desa;
- 2) Makobetan, masasenengan, makolem dados asiki lanang wadon mabacin, mawarih, macecepin rare, nyangsang busana, majajal, manahin pusungan (santukan punika rikala majajahitan patut magelung busung macingor lidinya);
- 3) Mungguh tedun palinggih sajawaning pituduh Prajuru/Dulu.

c. Sang mamurug kecap ring ajeng keni pamidanda pamrayascitta sapatutnya.

Pawos 41

(1) Yan wenten jadma karawuh ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem.

(2) Prade

- (3) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama desa tur ngawentenang pamrayascitta sapatutnya.

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minakadi Balian Sonteng, Kubayan, Dalang, sakaluwiring sane jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalengin prade wenten kacihnan nyasarring kakecap miwah drestane, tur sareng nyaksinin upacara saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa Patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru / Dulu Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Adat Puakan, sasampun punika wawu muputang yadnya kajabar tios Desa utawi kadura Desa.
- (2) Krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

- a. Pangupakaran Sang kalayu sekaran :
 1. Antuk mendem utawi ngeseng, makacihna pakingsan ring Ibu Pratiwi utawi ring Bhatara Brahma, salami muputang prabeya;
 2. Atiwa-tiwa (upakara pangabenan/palebun).
- b. Upacara Upakara Pitra yadnya riwusan kaabenang ngararis munggah daun bingin (ngaroras).

Pawos 45

Swadharmaning lan tategenan prade wenten sinalih tunggil krama kalayu sekaran :

a. Sang

- a. Sang kaduhkita patut :
 - 1) Nyadokang ring Klian tur nunas tatimbangan ring kawentenannya :
 - 2) Ngaturin Banjar ngarombo makarya eteh-ete sawa saha ngater kasetra, tur katuran panyambroma canang sasida-sidaan.
- b. Swadarmaning Banjar :
 1. Klian Banjar maritatas pamargin sang kaduhkita, napike pacang kapendem, makingsan riyin utawi lantur kaabenang;
 2. Prade kapendem, raris kaswarayang kulkul pamitahu manut pawos 19 (3) aksara b. olih Klian Banjar utawi wakilnya.
 3. Panyanggran Banjar salanturnyane yan prade mapendem utawi makingsan inggih punika :
 1. Soang-soang Krama Banjar nedunin patus beras, gesing, ayam, kelapa, miwah busung lan jinah manut pararem;
 2. Ngarombo ngaryanin eteh-ete sawa, kasarengin olih Krama sane rawuh ngarombo.
 3. Sami Krama Banjar nganter kasetra jantos puput pamendemane.
- c. Tan kengin ngalelet langkungan ring 3 (tigang) rahina, tur patut polih pagebagan manut paetengan Klian Patas/Banjar.
- d. Tan kalugra nginepang bangbang miwah mendem rikala :
 - Semuat sadulur,
 - Kala gotongan,
 - Pasah,
 - Kliwon, kajeng Kliwon,
 - Soma, Umanis, Taulu,
 - Was panganten,
 - Ingkel Wong,
 - Prawani, Purnama, Tilem
 - Rerahinan jagat.
- e. Prade wenten kalayu sekaran rikala piodalan, kengin mendem tanpa sadok, tur mamargi wengi/sasiliban utawi ka setra siosan (setra pakingsan).

Pawos 46

(1) Sane kasinanggeh kacuntaka sakadi ring sor :

- a. Cuntaka antuk kalayu sekaran ;
- b. Cuntaka antuk ngraja swala ;
- c. Cuntaka antuk ngembasang putra ;
- d. Cuntaka antuk karuron ;
- e. Cuntaka antuk sakit ila, buduh ;

- f. Cuntaka antuk pawiwahan ;
- g. Cuntaka antuk gamia gamana ;
- h. Cuntaka antuk salah timpal ;
- i. Cuntaka antuk yening wenten anak istri mobot nenten kaupakarayang pabiukawonan miwah pawidiwidana;
- j. Cuntaka antuk mamitra ngalang ;
- k. Cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana ;
- l. Cuntaka antuk sad atatayi.

(2) Sengker

(2) Sengker cuntaka manut kawentenannya :

- a. Cuntaka kalayu sekaran, cuntakanya kaanutang ring loka dresta Desa Adat Soang-soang;
- b. Cuntaka ngaraja sawala, 3 rahina ngawit saking ngaraja swala utawi salaminging ngaraja swala;
- c. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri;
- d. Cuntaka karuron cuntakanya abulan pitung rahina (42 rahina) tur sampun matirta pamerayascita;
- e. Cuntaka sakit ilu, buduh/edan, cuntakanya manut illikita pastika saking Sang Ngawawenang/sang nambanin miwah sampun mrayascita raga;
- f. Cuntaka pawiwahan, cuntakanya ngantos sasampune nawur bakatan ring Pura Desa;
- g. Cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- h. Cuntaka salah timpal kapuputang manut ring sastra Agama Hindu;
- i. Cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukaonan;
- j. Cuntaka mamitra ngalang, cuntaka nya ngantos kawentenan upakara pabiukaonan ;
- k. Nembasan putra nenten kawentenang upakara pabiukaonan miwah pawidiwidana, cuntakanya sampun kawentenan upakara manut ring sastra Agama Hindu.
- l. Cuntaka Sad Atatayi, cuntakanya ngantos sampun maprayascita raga tur nenten pisan dados ngamunggahang upakara padwijatan.

(3) Cuntaka kalayu sekaraan/kapademan :

- a. Kapendem cuntakanya :
 - 1. Cuntaka / sebel kabanjar ngantos 4 rahina riwusanya mendem/manut drestha utawi sasampun polih pamrayascita.
 - 2. Kulawargania sajeroning pakarangan ngantos 42 rahina/manut dresta.
- b. Kaabenang cuntakanya :

Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

(4) Sane katiben cuntaka luwire :

- a. Kalayu sekarana sane kacuntaka :
 1. Sang sane kalayu sekaran ;
 2. Kulawarganya ;
 3. Babanjaran ;
- b. Ngraja swala sane kacuntaka ;
 - Sang sane ngarajaswala.
- c. Ngembas putra sane kacuntaka ;
 - Kawulawargania sane ngembasang putra lanang wiadin istri
- d. Pawiwahan sane kacuntaka :
 - Sang sane ngalaksanayang pawiwahan lanang wiadin istri.
- e. Sakit ila/buduh, sane kacuntaka raganya dawak.
- f. Karuron sane kacuntaka :
 - Kawula warganya lanang wiadin istri.
- g. Gamia gamana sane kacuntaka ;
 - Sang sane ngelaksanayang gamia gamana.
 - Desa adat nyane/kahyangan nyane.
- h. Salah timpal sane kacuntaka :
 - Sang sane malaksana salah timpal ;
 - Kulawarganya ;
 - Desa Adat/kahyangan ;
- i. Anak istri mobot nenten kawentenang upacara pabiukaonan sane kacuntaka :
 - Sane maraga istri (sane mobot)
- j. Mamitra ngalang sane kacuntaka :
 - Sane ngalaksanayang mamitra ngalang.
- k. Ngembas putra nenten kawentenang upakara pabiukaonan miwah upakara pawidi-widana sane kacuntaka :
 - Sang sane ngembasang putra.
 - Putra sane embas.
- l. Sad Atatayi, sane kacuntaka :
 - Sang melaksana Sad Atatayi.

(5) Tan keneng cuntaka, luwire :

1. Sang sulinggih lan Pamangku Kahyangan tiga.
2. Rikala piodalan risampun ngalang sasih/ngalang tengah.

Pawos 47

(1) Attiwa-tiwa (pangabenan) kalaksanayang antuk :

- a. Sawa prataka, pangabenan mawatang sawa;
- b. Sawa resi, pangabenan mawatang antuk sawa kresyan;
- c. Suwasta, pangabenan mawatang sawa sane tan kakeniang kagentos antuk lalang utawi toya.

- (2) Panamayan pangabenan wenten kalih pawos :
 - a. Ngaben dadakan/bah bangun manut pararem;
 - b. Ngaben ngamasa, manut pararem.
- (3) Dudonan pangabenan ngawit saking ngeplugin, ngagah (seda), ngeseng ngantos pangiriman utawi nganyut.

Pawos 48

- (1) Peputusan pangabenan wenten kalih pawos :
 - a. Ngaben ngamasa luwire : beras, ayam, kelapa, gesing, papah, jaka, kalangsah, busung miwah sane sewosan manut pararem.
 - b. Ngaben dadakan, pateh sakadi ngaben ngamasa.
- (2) Pangingune ring Krama banjar ngawit ngayah manut abot dangan kawentenana karya.
- (3) Yan
- (3) Yan ngaben keluar Desa Adat tan polih tanggungan banjar.
- (4) Yanten mabanjar ring puakan tan dados kaaben ring Banjar Puakan.
- (5) Yan kulawarga sane ngaben tan mrasidayang ngaben dados katiba ring banjar masuakan nyelang.

Palet 4

Indik Manusa Yadnya

Pawos 49

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbhe ngantos kalayu sekaran riwekas.
- (2) Upacara ring ajeng maduddonan sakadi ring sor :
 - a. Magedong-gedong duk pangerempinian ibiang;
 - b. Duk sang kamareka medal;
 - c. Kepus odel;
 - d. Roras rahina;
 - e. Tutug kambuhan (42 rahina);
 - f. Nigang sasihin (3 sasih);
 - g. Pawetuan/otonan/odalan (6 sasih);
 - h. Tutug kelih 9ngraja swala wadone, ngembakin lanange);
 - i. Matatah/mapandes;

- j. Mawiwaha;
- k. Mawinten.

(3) Upacara-upakara inucap nista, madia, utama manust sastra Agama Hindu lan Dresta.

Palet 5

Indik Bhuta Yadnya

Pawos 50

(1) Bhuta yadnya inggih punika upacara-upakara byakala ring Pratiwi lan kahyangan, sarwa prani saha upacara-upakara ring babuthan miwah ring piranti sewosan.

(2) Upacara pabyakala ring sarwa prani, sarwa tumuwuh muwang piranti luwire L

- a. Ring sarwa lelandep rikala Saniscara Kliwon wara Landep;
- b. Ring sarwa tumuwuh lan piranti rikala Saniscara Kliwon wara Kuningan;
- c. Ring sarwa syandana/wahana rikala Saniscara Kliwon wara Kuningan;
- d. Ring sarwa lelanguan rikala Saniscara Kliwon wara Krulut;
- e. Ring sarwa ingon-ingon/wewalungan rikala Saniscara Kliwon wara Uye.

f. Ring

- f. ring sarwa ringgit, ukiran-ukiran rikala Saniscara Kliwon wara Wayang;
- g. Upacara pakala-kalan manusa manut Widana, kabawos pabyakala.

(3) Upacara pabyakala ring Pratiwi, Kahyangan lan Babuthan kawastaning macaru.

(4) Pacaruan inucap ring ajeng nista, madia, utama, manut wiguna kadi ring sor :

- a. Ekasata ; b. Panca Sata;
- c. Panca sanak; d. Resi gana;
- e. Tawur agung; f. Panca kelud;

(5) Sajawaning kadi ring ajeng kawentenang upakara :

- a. Majot-jotan utawi yadnya sesa nyabran wusan ngarateng;
- b. Masapuh-sapuh rikala pacang wali ring pura;
- c. Pacaruan pasasihan kalaksanayang nangken Tilem ngawit sasih ka 5, 6, 7, 8, lan ke 9 sajawanin wenten durbiksan jagat.

(6) Sabinayan ring punika taler kamargiang upacara :

- a. Maprani satunggil Anggara kasih;
- b. Kelanan dampulan satuunggil Kajeng Kliwon;

- c. - Panyangkepan ring Dalem (lanang) nasi, ulam gecok ayam;
- Panyangkepan ring Bale Agung (istri) nasi mabe pesan taluh, ara miwah gerang.

Pawos 51

- (1) Nangken ngawarsa rikalaning Tilem Kesanga kawentenang tawur kasanga, kalanturang antuk ngarupuk, makacihna pacang mapag rahina panyepian benjangne.
- (2) Brata panyepian sane kamargiang olih Krama Desa :
 - a. Amati geni; tankengin maapi-api;
 - b. Amati karya; tan kengin nyambut karya;
 - c. Amati lelanguan, tan kengin maoneng-onengan, masuwara gora, lan sapanunggalannya;
 - d. Amati lelungan, tan dados malancaran.
- (3) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.
- (4) Sang mamurung kecap ring ajeng keni pamidanda manut pararem Banjar/Tempek soang kamargiang olih patelik (Pacalang Desa).
- (5) Riwus rahina Nyepi (benjangne) maka cihna pangawitisaka warsa, patut warga Desa sami madharma Santi.

Pancama

PANCA SARGAH
SUKERTA TATA PAWONGAN

Palet 1

Indik Pawiwahan

Pawos 52

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwahan luwire :
 - a. Pepadikan, kamanggala antuk pakrunayan;
 - b. Ngarorod, marangkat riyin wawu kakrunayang;
 - c. Nyeburin utawi sentana nyeburin (risampun nganutin upakara pamerasan).

- (3) Pidabdab sang pacang mawiwaha patut :
 - a. Sampun manggeh daha – taruna (prasida nganutin Undang-undang);
 - b. Sangkaning pada lila (tan kapaksa);
 - c. Manut kecap sastra Agama (tan gamia gamana);
 - d. Kasudiwadani prade pangambile tios Agama, utawi kapatiwangi.
- (4) Pamargin pawiwahan mangda taler nganutin Undang-undang perkawinan sakeng Sang Ngawawenang.

Pawos 53

- (1) Pawiwahan sane kapatutang ring desa, sakadi ring sor :
 - a. Sampun kamargiang pabyakala utawi pasakapan, kasaksiang sakala niskala olih Pandita utawi Pinandita;
 - b. Wenten pasaksi Prajuru/Dulu-dulu sane mapakeling utawi ngilikitayang pawiwahan;
 - c. Sampun matengeran suwaran kulkul;
 - d. Pawiwahan inucap ring ajeng samput kacatetang ring sang Ngawawenang.
- (2) Parabian sane tan manut kadi kecap ring ajeng sinanggeh tan patut.

Pawos 54

Tata caraning parabian patut sakadi sor :

- a. Sapa sira ugi pacang ngawarangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabine;
- b. Pamargin pepadikan manut dudonan;

1) Pakrunayan

- 1) Pakrunayan Jantos ping tiga, saha soang-soang malarapan :
 - a) Kapertama antuk canang/sedah;
 - b) Kaping kalih antuk canang pangrawos;
 - c) Kaping tiga antuk daksina pajati kabawos pamuput pamadikan.
- 2) Risampun puput raris sang istri kaajak budal ring pakubon sang lanang, saha kalanturang antuk pabyakala.
- 3) Mangda puput tumus sakala niskala, raris kulawarga purusa makta pajati ring Pamarajan wadone.

- c. Prade ngarorod/marangkat patut :
- 1) Reraman lanange ngawentenang pamilaku/pangenduh antuk duta sakirangnya 2 (kalih) diri;
 - 2) Pagenahan antene tan kengin ring pakubon sang lanang sadereng mabeyakala.
- d. Sajeroning pakrunayan/pangalukuan patut :
- 1) Kamanggala antuk geng pangampura arep ring reraman wadone;
 - 2) Kaigumang bawos indih pakidih utawi palegayan arep ring pasewakana sang ngidih saha dewasa pakrabkambeyane riwekas;
 - 3) Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
 - 4) Prade tan terima pajati, pakrunayan kamargiang jantos ping tiga.
- e. Pakerab-kambeyan mapiteges upacara tinas apadang (puput) mapakurenan, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masrana jejauman miwah pawidi widana :
 - a) Jejauman pinaka ngambe/ngadungang kayun, soang-soang pakulawargan wadone ;
 - b) Widi widana pinaka pajati niskala nunas wadone ring Pamarajanya.
 - 2) Sajeroning bawos kerab pamargi ring sakala :
 - a) Antuk panyaksi Krama Banjar, dwaning kaparabian antuk tengeran swaran kulkul;
 - b) Pamekas pasaksi Prajuru/Dulu-dulu sane ngilikitayang.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas parabian utawi kapademan ;
- (2) Wusan mapakuren riantukan salah sinunggil seda mapiteges balu, makadi balu lanang/istri.
- (3) Palas parabian wenten 2 (kalih) pawos inggih punika sangkaning mawiwit wicara.

(4) Sang

- (4) Sang ayat palas mirabian patut atur supekta pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha kené panebas swaran kulkul manut pararem.

Pawos 56

Tata cara palas parabian sakadi ring sor :

- a. Nawur prabeya pasaksi sinalih tunggil sami matenga ;
- b. Pagunakayan polih pahan pada ;
- c. Pebekel, tadtadan soang-soang kakuasa niri-niri miwah warisan kakuasa olih purusa ;
- d. Ngaweruhin miwah ngupajiwin pratisentana manut swadharmaning guru rupaka ;
- e. Nawur pamidanda panebasan swaran kulkul manut pararem ;
- f. Ngelung jinah logika Prajuru/Dulu ;
- g. Mapamit ring pamrajan lanange.

Pawos 57

Prade riwekas sang palas kacihnán adung malih, patut :

- a. Ngalaksanayang pawiwahan malih;
- b. Kadenda nikel saking palase, yadiastun wit palase pecak sangkaning pada lila.

Pawos 58

(1) Sang balu kabinayang dados :

- a. Balu luh wit sentana (sentana rajeg) miwah balu luh boya sentana;
- b. Balu muani kapurusa (wit sentana) miwah balu muani nyeburin (boya sentana).

(2) Swadarmaning balu Ipunan Patut :

- a. Ngamanggehang patibrata tan kengin ngamargiang papadara/darati krama;
- b. Ngusahayang waris pagunakaya, tan dados ngadol, ngadeang, makidiang lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantun alit-alit;
- c. Kangin ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng kapurusa;
- d. Kawenangang mawiwaha malih prade wenten kabebasan manut angka/aksara ring ajeng.

Pawos 59

Balu kaucap tan pageh sakadi ring sor :

- a. Daratikrama utawi paradara ;
- b. matilar
- b. Matilar saking pakubon tan pasadok jantos 6 (enam) sasih;
- c. Lempas ring swadharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik sentana

Pawos 60

- (1) Sentana wenten kalih pawos, sane kaucap prati sentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kanton kawastanin babinjat utawi astra patut kamanggala antuk panyangaskara.
- (4) Prada pawiwahan tan ngawetuang sentana kengin ngidih sentana antuk upasaksi skala niskala sane kawastanin sentana paperasan.
- (5) Sentana rajeg inggih punika ,pratisentana wadon (pradana)sane kamanggehang lanang(purusa) tur risampun ngalaksanayang pawiwahan kaceburin.
- (6) Sang sane dados karasayang sentana rajeg inucap wiwit angka (5) ,inggih punika :
 - ha. Prati wadon sentana tunggal;
 - na. Sampun kamanggehang dados prati sentana lanang (purusa);
 - ca. Kapawiwahan kaceburin kautamayang olih jadma sane maagama hindu utawi jadma
sane maagama siyosan sane sampun ngalaksanayang pamarisuda raga utawi sudiwadani;
 - ra. Sane ngamanggehang sentana rajeg patut mapasadok ring Prajuru Banjar,tur I klian
Banjar patut nyobyahang ring Banjar saha ngaturang ring Prajuru Desa Adat.

Pawos 61

- (1) Ngangkat sentana manut dudonan patut makacihna arta berana pamerasan sane kesaksiang sekala niskala ;
- (2) Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan .
- (3) Bendesa kewakilon olih Klian Banjar nyobyahang ring sawidangan Desa,sang sapa sira ugi rumasa tan lila mangda nyadokang masengker kalih uku (14 rahina) sabanen pamerasan ring Bendesa Adat;

- (4) Prajuru /Dulu Desa digelis mawosin saha ngicenin pamutus nepek ring catur dresta miwah pararem ;
- (5) Prada sulur paperasan tan manut kadi kecap ring ajeng, Prajulu/Dulun Desa wenang ngadeng sang pacang mameras saha ngicening pamutus mangda kapuputang riyin babawos ,sulur utawi wicranya.

Pawos 62

- (1) Paperasan sane kapatut ring Desa risampun makacihna :
ha. Widi –widana paperasan;
na. Kasaksiang olih Prajuru Desa sane makelingang utawi ngilikitayang.
ca. Kasobyahang ring wawidangan Desane.
- (2) Sane patut kaperas angge sentana kadi ring sor :
ha. Jatma maagama Hindu

na. kawentenang

.....

- na. papernahan nedunang saking sang meras;
ca. Kulawarga saking purusa , prada tan wenten kangin sakeng wadon,yening taler tan wenten wawu kangin sakama-kama (saking kayun) ;
ra. Kautamayang saking waris pancer kapurusa ;
ka. Sinalih tunggal mawiwit saking kulawarga tunggal sanggah utawi merajan ,paibon lan dadia utawi ngambilin anak tios sakewanten sang maagama Hindu.
- (3) Kengin ngangkat sentana langkungan rig adiri , lanang wiadin wadon,prada ngangkat sentana lanang wadon,nenten dados kapawiwahang.

Plet 4

Indik Warisan

Pawos 63

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya .
- (2) Kang sinanggeh warisan luwire:
ha. Duwe tengah ,makadi tegal,ayahan Desa ,Khyangan , pusaka siwa pakarana lan sapanunggalnya;
na. Pamerajan ;
ca. Pagunakayan ,tadtadan /Jiwa dana ,hutang piutang.
- (3) Wawu kengin kabawos warisan prada wenten :
ha. Sang mapiturun (pawaris) ;
na. Katurunan (ahli waris)
ca. Arta brana miwah tategenan makacihna warisan.

Pawos 64

- (1) Ahli waris luwire :
ha. Pratisentana purusa ;

- Ha. Sang sinanggeh ahli waris manup pawos 64;
Na. Sang kengin anggen sentana manut pawos 62 angka (2) miwah angka (3) ;
Ca. Prada taler tan wenten cumpu ring panepas Kerta Desa , kengin katumasang ring sang Rumawos.
(3) Prada jantos karang Desa kaepah utawi kasepih , patut soang-soang nedunin makrama Desa marep.

SAT SARGAH
WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru/Dulu Desa sinanggeh Kerta Desa .
(2) Prada sang mawicara tan wenten cumpu ring pamutus Kerta Desa ,kengin nunasang wicara inucap ring sang Rumawos.
(3) Tata dudonan mawosin saha muputang wicara warga desa kadi ring sor :
Ha. Kaping ajeng kabawosin olih Kelian Banjar.
Na. Tan cumpu ring panepas Kelian Banjar ,karerehang pamutus ring paruman banjar.
Ca. Prada tan cumpu ring pamutus Banjar ,katunasang ring Bendesa Adat lan Prajuru sewosan.
Ra. Taler ten wenten cumpu ring pamutus Bendesa lan Prajuru Desa katunasang ring Paruman Desa Adat wiadin sang rumawos.

Pawos 69

- (1) Sahanan wicara mawiwit kacorahan saka luwire sinanggeh nungkasin daging awig-awig ,pararem miwah paswaran Desa/Banjar ,Prajuru/Dulu patut digelis mawosin tan nyantos pasadok.
(2) Sajaba wicara kadi ring ajeng patut nyantosang pasadok sang nunas bawos.
(3) Panepase patut pastika nyantenang iwang patut malarapan Tri Pramana (saksi,ilikita ,bukti)miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa /Banjar wenang niwakang pamidanda ring warga Desa/Banjar sane sisip.
(2) Paniwak inucap kalaksanayang olih Bendesa /Klian Banjar.
(3) Bacakan pamidanda luwire :
Ha. ayahan panukun kasisipan ;
Na. danda arta ;
Ca. kanorayang ;
Ra. panyangaskara .

- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngranjing dados druwen Desa /Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
Ha. Kalaksanyang olih Prajuru kasarengin olih krama saakeha tigang diri maka saksi.
Na. Sang ngarmpag sangkanin darsana ngambil bahrang utawi nyawenin nanem tuwuh ,akehnya manut ring utang sang karampag ,sang karampag mangda lila nyukserahang barangnya pinaka wala;
Ca. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 72

- (1) Prada sang pacang karampag ngawara (ngalengin) palaksanan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yan purun taler ngalengin palaksanan kadi ring ajeng tan wenten pamargi sajwaning kasepekang olih Krama Desane.
- (3) Pamidanda inucap ring ajeng keni buntas risampun sang kakenin :
Ha. nunas geng pangampura ring Krama Desa riantukang nguak paubaya (pararem) pecak ;
Na. nawur pangargan panguak pasubayane duk pacang karampag kadulurin pamrayascita panyapsap kaiwangane ring Desa .

SAPTAMA SARGAH
NGUWAH-NGUWUHIN AWIG-AWIG

Pawos 75

- (1) Nguwah –nguwuhin Awig-awig Desa punika kalaksanayang ring paruman Desa.
- (2) Awig-awig punika kamargiang ngawit kaingkupin (kararemin).

Pawos 74

- (1) Sakaluwirin sane wenten sederengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem – pararem.

ASTAMA SARGAH
SAMAPTA

ASTAMA SARGAH
SAMAPTA
Pawos 75

- (1) Awig-awig punika kararemin duk rahina saniscara wage pananggal /ping 4 sasih kaanem isaka 1922 tanggal masehi 9 Desember 2000 ring wantilan Desa Adat Puakan.
- (2) Awig-awig puniki kalingga tanganin olih Bendesa lan Prajuru Adat, kasarengin Klian-klian Banjar, saha kasaksinin iloh Prajuru Dinas pinaka saksi.\
- (3) Luwir sang ngalingga Tanganin :
Ha. Kapartama Prajuru Adat :



Na. Kaping kalih prajuru Dinas pinaka saksi :

